

3591

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina
Federation of Bosnia and Herzegovina
FEDERAL MINISTRY OF
ENVIRONMENT AND TOURISM

Broj: 07/2-23-821/19
Sarajevo, 19.11.2019.godine

Bosna i Hercegovina
Federacija Bosne i Hercegovine
KANTON SARAJEVO
28-11-2019

Organizaciona jedinica	01	05	38844-1272
------------------------	----	----	------------

Bosna i Hercegovina
Federacija Bosne i Hercegovine
SKUPŠTINA KANTONA - SARAJEVO
Ul. Reisa Džemaludina Čauševića 1
71000 Sarajevo

Predmet: Odgovor na zastupničku inicijativu zastupnice Neire Dizdarević - dostavlja se;
Veza: vaš akt broj: 01-05-38844-107/19 od 05.11.2019. godine;

Zastupnica Neira Dizdarević je na 14. Radnoj sjednici Skupštine Kantona Sarajevo, održanoj dana 30.10.2019. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 213. Poslovnika Skupštine Kantona Sarajevo, podnijela slijedeću zastupničku inicijativu: "Podnosim inicijativu Vladi Federacije BiH i resornim ministarstvima za donošenje nedostajućih pravilnika o posebnim vrstama otpada, kao i za reviziju postojećih koji su propisani Zakonom o upravljanju otpadom ("Službene novine Federacije BiH", broj 33/03).

Nedonošenje ovih pravilnika ometa Skupštinu i Vladu Kantona Sarajevo u uređenju RCUO Smiljevići, kao i rješavanju dugogodišnjih problema građana koji žive u neposrednoj blizini deponije. Ljubazno molim da u što skorijem roku pozitivno odgovorite na moju inicijativu."

Vezano za predmetno poslaničko pitanje, dajemo slijedeći odgovor.

Prilikom donošenja Zakona o upravljanju otpadom („Službene novine Federacije BiH", br. 33/03, 72/09 i 92/17) (u daljem tekstu: Zakon), Federalno ministarstvo okoliša i turizma je imalo u vidu činjenicu da se podzakonskim aktima i uredbama moraju urediti posebne kategorije otpada.

Dvanaest (12) posebnih kategorija otpada su nabrojane u članu 18a. Zakona i to su: ambalažni otpad, otpadna vozila, otpadna ulja, otpadne baterije i akumulatori, otpadne gume, električni i elektronički otpad, otpad koji sadrži azbest, otpad koji sadrži PCB, otpad iz proizvodnje titandioksida, medicinski otpad, životinjski otpad i građevinski otpad.

Do sada je ministarstvo na osnovu Zakona donijelo slijedeće podzakonske akte o posebnim kategorijama otpada:

1. Pravilnik o životinjskom otpadu i drugim neopasnim materijama prirodnog porijekla koji se mogu koristiti u poljoprivredne svrhe („Službene novine Federacije BiH", br. 8/08);
2. Pravilnik o upravljanju medicinskim otpadom („Službene novine Federacije BiH", br. 77/08);
3. Pravilnik o upravljanju ambalažom i ambalažnim otpadom („Službene novine Federacije BiH", br.88/11, 28/13, 8/16, 54/16, 103/16 i 84/17) i

4. Pravilnik o upravljanju otpadom od električnih i elektronskih proizvoda ("Službene novine Federacije BiH", br. 87/12, 107/14, 79/16, 8/16 i 12/18).

Revizijom postojećih propisa, a u skladu sa Zakonom pripremili smo uredbe i pravilnike za ambalažni i elektronski i elektronički otpad koji su u proceduri usvajanja.

Kako stanje na terenu diktira i prioritete tako je ministarstvo pristupilo izradi uredbi i pravilnika o slijedećim posebnim kategorijama otpada: gume, baterije i akumulatori, ulja i vozila. Dinamika izrade ovih propisa zavisi od usaglašavanja sa Republikom Srpskom u pogledu iznosa naknada za posebne kategorije otpada i istovremenog uvođenja uredbi i pravilnika na području oba entiteta. Razlog za ovo je postizanje jednakih uslova poslovanja privrednih subjekata na tržištu Bosne i Hercegovine.

Izrađen je Prijedlog Pravilnika o građevinskom otpadu koji ima za cilj da u cijeloj Federaciji BiH reguliše uspostavljanje sistema kontrolisanog upravljanja građevinskim otpadom, ne samo kroz postupanje s otpadom, već i kroz planiranje (planske dokumente) i projektovanje (izradu tehničke dokumentacije).


Prijedlogom Pravilnika o građevinskog otpadu obrađen je i otpad koji sadrži azbest.

Prijedlog uredbi i pravilnika o slijedećim posebnom kategorijama otpada: otpadne gume, baterije i akumulatori, ulja i vozila i Pravilnik o građevinskom otpadu su samo nastavak razvoja zakonodavstva iz oblasti upravljanja otpadom.

Što se tiče izrade propisa za dvije preostale vrste posebnih kategorija otpada iz člana 18. Zakona o upravljanju otpada („Službene novine Federacije BiH”, br. 33/03, 72/09 i 92/17): otpada koji sadrži PCB i otpada iz proizvodnje titandioksida, ministarstvo planira da iduće kalendarske godine pristupiti izradi podzakonskih akata za ove dvije kategorija otpada.

Na osnovu naprijed navedenih zakonskih propisa RCUO Smiljevići, nema smetnji da deponiju uredi po svim standardima, tj. da njen rad ne nanosi štetu okolnom stanovništvu.

S poštovanjem,



Dostaviti:

- Imenovanom,
- Dokumentaciji,
- Arhivi.